

Kev Ua Raws rau Cov Neeg Ua Haujlwm Thaum Huab Cua Phem

Kaum Hli tim 22, 2024

Caij ntuj no los twb yuav txog, UW–Madison cov neeg ua haujlwm yuav tsum saib [cov kev ua raws yog muaj huab cua phem](#).

Cov tseem ceeb muaj xws li:

- Tsuas yog tus *chancellor* thiaj muaj cai txiav txim tsis muaj kawm ntawv, ua haujlwm, thiab kaw tsev kawm ntawv rau pejxeem thiab cov neeg ua haujlwm nkaus xwb. Cov ceg qhia ntawv, ua haujlwm, thiab lwm pawg ua haujlwm yuav kaw tsis tau txog thaum tag nrho lub tsev kawm ntawv kaw.
- Cov neeg ua haujlwm yuav tsum xyuas saib puas tuaj tau haujlwm thiab muaj kev ruaj ntseg rau kev noj qab haus huv thiab nyab xeeb. Yuav kom nej siv cov caij so (xws li caij so mus ua si, caij so rau tus kheej) uas nej tshuav, caij so tsis them nyiaj, los yog muaj, cov caij ua haujlwm tshaj xuabmoos tseg cia tshuav rau lub caij tsis tuaj ua haujlwm, los nrog tus thawjsaib tham mam tuaj ua paj cov xuabmoos tsis tuaj. Cov neeg ua haujlwm yuav tau hu raws li thaum tuaj tsis tau haujlwm ntawm pawg ntawd. Tau kom cov thawjsaib ua yooj yim, yog thaum ua tau, tso cai rau cov neeg ua haujlwm-thov so vim huab cua phem.

UW–Madison Cov Kev Ua Raws rau Cov Neeg Ua Haujlwm thaum Huab Cua Phem

Tus *chancellor* muaj lub luag haujlwm xyuas saib puas yuav tsis muaj los ncu kev qhia ntawv los tsis muaj ua ib co haujlwm vim huab cua phem. Kev tus *chancellor* txiav txim yuav raws qhov saib puas muaj kev nyab xeeb thiab yuav muaj taus teeb meem li cas rau cov mejyig, xibfwb thiab neeg ua haujlwm.

Cov ceg qhia ntawv thiab lwm ceg ua haujlwm hauv tsev kawm ntawv yuav kaw tsis tau lawv cov haujlwm. Rau cov chaw ua haujlwm tawm sab nraum Madison, cov *deans* thiab *directors* yuav tsum tau cai los ntawm lub *Office of the Chancellor* ua ntej lawv hais tau kom cov neeg ua haujlwm txhob tuaj los tso cov neeg mus tsev ntxov. Ib co haujlwm thiab dej num (xws li *University Housing*, *UW–Madison Police Department*, ob lub tsev hlawv roj ua fais fab) yuav tsum muaj ua txawm tias huab cua phem npaum li cas. Cov neeg ua num hauv *University Communications* yuav nrog tus *chancellor* xyuas thiab kom cov chaw muab xov xwm tshaj rau ib tsoom hauv tsev kawm ntawv thiab cov chaw tshaj xov xwm hauv zej zog.

Cov neeg ua haujlwm yuav kom tuaj ua num yuav tsum tuaj li qub ntshe ho hais kom txhob tuaj lawm xwb. Xav kom txhua tus neeg ua haujlwm ntsuam thiab xyuas kev ceev faj kom muaj kev noj qab hauv huv thiab nyabxees rau lawv. Ib tug neeg ua haujlwm uas ua tib zoo xyuas pom tias yuav tsis muaj kev nyab xeeb tuaj ua haujlwm yuav tsis raug ceeb toom rau qhov tsis tuaj. Cov thawjsaib yuav tsum ua raws li cov neeg ua haujlwm qhia yuav tuaj txog lig los mus tsev ntxov vim huab cua phem. Cov neeg ua haujlwm yuav tsum qhia rau lawv cov thawjsaib yog yuav tuaj tsis tau haujlwm los yuav tuaj txog lig.

Cov neeg ua haujlwm tau kom txhob tuaj haujlwm, los tuaj tsis tau, los kom mus tsev ua tau raws li cov nram no:

Cov *University Staff* ua tsis tau haujlwm tshaj xuabmoos (them nyiaj xuabmoos thiab yuav tau them tshaj rau cov xuabmoos ua tshaj): Yuav tsum siv cov caij so (xuabmoos so mus ua si, xuabmoos so muab rau tus kheej), cov xuabmoos ua haujlwm tshaj tshuav, los caij so tsis them nyiaj rau lub caij lawv tsis tuaj. Cov neeg them nyiaj raws xuabmoos yuav tsum suav txhua xuabmoos. Yog tus thawjsaib pom tias tus neeg ua tau rau lwm lub caij los yuav pab tau rau pawg ntawd, yuav pub tus neeg ua haujlwm ua li ua tau pauj rau lub asthiv ntawd. Nrog kev tso cai ntawm tus thawjsaib, tus neeg ua haujlwm kuj ua tau haujlwm tom tsev los nyob lwm qhov ua rau lub caij huab cua phem.

Cov *Academic Staff* thiab *University Staff* ua tau tshaj xuabmoos (them nyiaj hli thiab tsis them nyiaj ntxiv cov xuabmoos ua tshaj): Yuav tsum siv cov caij so (xuabmoos so mus ua si, xuabmoos so muab rau tus kheej), caij so tsis them nyiaj, los thaum muaj, caij ua haujlwm tshaj xuabmoos tshuav rau lub caij lawv tsis tuaj. Tus neeg ua haujlwm thiab nws tus thawjsaib kuj pom zoo pub ua lwm yam raws li tus neeg ua num txoj haujlwm ua tau.

Kev Nyob Ib Qho Ua Haujlwm Lub Caij Huab Cua Phem

- Cov neeg ua haujlwm uas yeej tau kev pom zoo nyob lwm qhov ua haujlwm, ua tau haujlwm li qub tuaj lub caij huab cua phem thwm tias lawv ua tau (fais fab los *internet* tsis tuag).
- Rau cov neeg ua haujlwm yeej tuaj kiag rau ntawm qhov chaw ua num tabsis thwm tias tsis yog cov haujlwm tseem ceeb lub caij huab cua phem los kaw, tej zaum lawv kuj nyob tom tsev ua tau haujlwm yog lawv ua tau lawv cov dej num thiab tau cai ntawm tus thawjsaib. Thaum huab cua phem dua lawm, cov neeg ua haujlwm yuav tau rov qab tuaj rau ntawm lawv qhov chaw ua num.
- Cov neeg ua haujlwm thwm tias tsis ua cov dej num tseem ceeb rau lub caij huab cua phem thiab nyob tsis tau tom tsev ua lawv cov dej num, yuav tau ua raws li kev qhia muaj sau no. Nov muaj xws li siv caij so thiab/los teem caij tuaj ua haujlwm pauj rau tib lub asthiv ntawd.

Rau cov hom phiaj ntawm cov kev ua raws muaj huab cua phem, txhua ceg qhia ntawv los ua haujlwm xyuas tau saib puas thwm tias lawv cov neeg ua haujlwm ua cov dej num tseem ceeb.

Tus cai rau tag nrho tsev kawm ntawv siv muaj nyob *online* hauv policy.wisc.edu/library/UW-5055.